

古田縣志卷之二十五

金石志

以蕞爾之邑欲求清廟明堂之彝器天刀赤球之秘珍以及淮西銘碑燕然勒石固不數數靚然天地精英所萃往往於一邑中所遺廟剝間見有古物留貽卽如絕壁懸崖曾爲人跡罕到而有時採訪所及尤不乏名人遺墨往哲留題足以供嗜古者之瀏覽而如得寶藏之遺焉物以罕而見珍蹟以古而彌貴備紀之亦聊以補前志之所略纂金石志

邑西關外極樂寺唐時鑄一銅鐘聲聞三百里傳至宋代詫其爲怪有旨鋸其唇三寸聲遂斂

古田縣志

卷之二十五

金石志

一

邑南關外總管廟明代善信捐資僱匠鑄一鐵鐘冶經數次甬舞之間任加入許多鐵料仍是不滿境內有一某貧婦平生孀守貞節可嘉聞情攜一鐵火鉗詣廟向神而禱曰氏家貧無以爲資願以此助之甬插其半甬舞便滿現鐘鈕上尙露火鉗尾見者奇之

溪山石刻 溪山第一亭在縣治東北宋時爲紫陽朱夫子講學之所顏曰溪山第一至今墨跡猶在又門首石刻楹聯一偶云此地含鳶魚妙趣斯人紹孔孟眞傳清咸豐時翰林院庶吉士曾光斗撰書更有碑記二一副貢徐連中撰書一教諭徐鯉化撰書附錄藝文民國二十年縣長陳元璋蒞治古田見斯地爲

先賢遺蹟曾鐫詩於碑以紀勝云

報慈寺石刻 在十八都地方宋代建朱晦翁夫子特書不式室三字

態公祠石刻 明福建按察使司萬安朱衡撰書碑記附列祠祀

魏公祠石刻 明福建監察御史徐宗魯撰書碑志詳列祠祀

響石山石刻 七都湯洋村后門山最高處遠望縣治及黃田沿

江一帶如在目前山頂有磊石擊之能響聲同鐘鼓顏曰響石
山清舉人張焯丹爲諸生時設館其地爲題七絕一首上二句
剝落下一聯云山靈也有漁陽譜不羨當年禰正衡

點石巖刻 在大東鄉象峯山前人有詩見藍田風雅集

古田縣志

卷之三五

金石志

二

石室刻 在象峰山頂爲藍田八景之一鐫曰石梯接漢石上有
仙人馬蹄跡

百善社石刻 在后林山權厝舊址前清同治十年該社紳董等
公立

耨橋石刻 碑記係清舉人翁廷玉撰書

臨水宮石刻 門首鐫一聯云廟貌壯千秋鼎新有象母儀昭百
代坤厚無疆清刑部七品京官徐應麒撰書

佑聖宮石刻 係屬碑記清道光時知縣鄭廷錦撰恩貢秦新洳
刊歲貢余丹書錄

九都前坪村有奇石高約四丈闊六丈體方石上有蓋搖之能動

揭之不起壁塌古篆草書惜字跡模糊不可辨識

武聖廟石刻 清乾隆二十七年知縣方鼎撰書碑記詳藝文
城垣馬道石刻 碑記詳藝文清乾隆三十七年縣令萬友正撰
書

壺山石刻 在邑城東隅清余紳靖卿別墅上砌石欄中架石洞
峭另一石篆書壺山二字筆致奇古可玩

第一泉石刻 在西關外極樂寺背山巖石崩另人登其頂有自
爲峰之勢石澗中拓出一渠闊約丈餘泉水澎湃下流可湧田
數十畝味極清冷刻有第一泉三字

引月池石刻 在杉洋石室三面石壁橫鐫引月二字款泐茶仙

古田縣志

卷之二十五

金石志

三

二小字藍田八景曰天池引月詩見風雅集

玉京觀石刻 碑記字跡剝蝕不可辨識

蟬林寺石刻 宋徽宗御書檀樾主尙書堂六字

磨劍石 在保安里鳴玉橋下（三山志古識磨劍石平上出公
卿）宋令留元亮令工鏟之

石室 邑五保文明里雙塔井處士曾一鳴及其子心堯心漣手
置房屋一所內構假山亭石壁另崩洞澗縱橫曲折多奇致其
曾孫仰賢性近文雅近復添架層樓樹木陰翳盛署涼爽宜人
邑中居屋罕比古石奇構前輩筆峯張維題其亭額云有石門
山者森壁爭霞峭峯限日幽谷含雲深谿蓄翠蟬鳴鶴唳水響

猿吟旣素重幽居遂葺宇其上題廳額云分明屋裏有青山側
嶺橫峯指顧間不用探幽尋絕巘野心眞與白雲閑續題一額
云天光雲影兩蒼茫活水源頭引興長解識此中濠濮想不須
魚樂問蒙莊霄九魏飛鵬題聯云漫云烟火間未有蓬萊嶠飲
酒亦成仙不但餐霞妙和石丁春笙題冰列廳搏秋郭鵬元書
云蓬萊島爲天下名勝之區無美不臻無奇不有凡一切間氣
悉孕其中人欲親歷其境限於地與勢與力之無可如何者也
吾邑有心漣曾翁者疊山於屋鑿流於石退居之暇蒔花灌樹
煮酒烹茶不入山林居然有隱者風何必高樓百尺廣廈萬櫺
始足炫人耳目哉吾因顏之曰小蓬萊斯福人有福地亦卽地

古田縣志

卷之五

金石志

四

靈人傑云爾

石馬峰 在四十都村后有石如馬形

睡馬石 在西洋沈字橋上形如睡馬旁有坂曰馬坂

印石 在西洋沈字橋上

插旗石 在四十一都文俚嶺豁竹灣

老鷄石 在四十一都隆興寺后形如鷄晴時擊之聲唳雨時擊
之聲澁

仙人石 在四十五都前塔村北石面有人跡相傳爲仙臥處

出米石 在四十五都前塔村旁

石鐘柱 在三都下雙坑村巨石屹立江中如柱

出米石 在一都嶺邊村昔時曾傳孔中能出米旁有石記其事
字跡不可盡辨

白石 在一都白石村江濱高廣丈餘旁支以他石白石覆其
上如瓦下可容二十餘人

印石 在一都白石村江中石方而平潮水大時常過其巔更
有鼠石在里許猴石在隔岸半山

龍舐石 在七都曹洋溪中石有孔而潤俗謂龍舐石
石獅巖 在十三都鳳竹村下有洞

印石 在縣城西十里有巨石如印故名
鰲魚石 在杉洋藍田書院內石巔舊有文昌閣

古田縣志

卷之三五

金石志

五

紗帽石 在杉洋藍田書院山上

吉祥寺石刻 民國二十四年釋圓瑛重修石塔有碑記
城廂育嬰局石刻 民國二十五年刻有碑記詳惠政

谷口春風石刻 在谷口街頭李 拔題

執笏朝天石刻 在谷口萬壽橋山上叢莽中李 拔題

祝聖放生池石刻 在暘谷龍亭溪畔嘉熙己亥吳攀龍題